

Maabaf ólottu zanon saáde KOVÍDH-19 véksin or babote 7 tan cíz



1. Fuwain ólottu véksin mara zoruri.

Véksin maítte oit faréde ze hótora ókkol ase íyan ottu ware KOVÍDH-19 oile boot becí hótornak. KOVÍDH-19 biaram é fuwain ólore lamba-cómolla ki asór goribou íyan añára aijó no zani. Fuwain olore KOVÍDH-19 biaram fai “lamba thaim KOVÍDH” biaram or alamot ókkol é tarár fotti dinna hasharbar ot boot háfta ocuida goijje¹. Ehón Ameríkat maze fuwain ókkol mara zádde aala 10 haron ólout KOVÍDH-19 o ase, ar 1/3 boc ola maincóre hospithal ot tuli entehá dekbal or zorurot o². KOVÍDH-19 loi hospithal tuilléde 30% fuwain olottu sehét or oinno ocuida nai³.



2. Véksin ore tarahura gori nó bana.

Theknoloji íbar uore sáñsardar ole doc bosór ottu becí has gori áiyer. KOVÍDH-19 véksin toyari gorát honó héfazoti tobka re bad nó de—cúde kessú kothín nezámi niyoum baade—aar oinno véksin or dhoilla dhakhori teés ókkol ekí torika loi gori giyé. Dhakhori teés or maalumat ar bastob duniyar haalot tahákik goriyore véksin gin héfazot ar asór goréde íyan wazé oiye. Coto házar manuic ókkol nizor issá ye dhakhori teés gorat cámil oiyéde étolla sáñsardar ole véksin or tahákik ore toratori goribólla cómbob oiye— kaafi cámil oiya tuwai faibolla bosóra-bosóri entezar gora nó fore.



3. Hálda yáto dormiani saidh efekth ókkol oi take.

Oñnor fuwáttu véksin marar fore gaatzor, doilla gusso hóñrani, matáhóñrani, bolfora, yáto injekcen maijjéde zagat lal oiza dhoilla hálda yáto dormiani biaram or alamot ókkol oit fare. Ín oilde zehonó véksin marar fore ói táke, ar íyanor maáni oilde oñnor jisíme biaram rukar nezam toyari cúrugoriyóre biaram loi kibáfe mukabela goribou íyan hásil gorer. Kothín saidh efekth ar elarji hóraf asór ókkol becí hom. KOVÍDH-19 ottu jibon or húmki faibar ze ocuida ase íyan oilde véksin ottu oit faréde kothín saidh efekth ottu boot becí hótora oi.



4. Báza oiza yáto adinna fuwa biyar dhoilla lamba-thaim or saidh efekth ókkol or cómbobona nai.

Zodi oñne véksin marar tuwarik ore saile, véksin or lamba-thaim or saidh efekth ókkol ore véksim marar fore 6 háftar bútoze dehá za. Étolla emarjensi estemal or ejazot (EUA) dibólla dhakhori teés gorár fore homashom 60 din ore entezari thaim hísafe FDA ottu dorhar oi táke.

Házaro hámel beçiyain óle véksin maijje yáto házaro beçiyain ókkol véksin marar fore hámel oiye de ase. Maalumat⁴ ot wazé goijjéde KOVÍDH-19 véksin or harone báza oiza, adinna fuwa biya no góthibou, yáto hámel yáto fuwa hálas or thaim ot fuwa bá maáttu ocuida noibou. Klntu, boot hámel ola beçiyain ólottu KOVÍDH-19 biaram oiyore váires loi kothín ocuidat foijjéde indhílla añára dékki⁵.

1 <https://www.ncbi.nlm.nih.gov/pmc/articles/PMC7927578/>

2 [https://www.cdc.gov/mmwr/volumes/70/wr/mm7023e1.htm?s_cid=mm7023e1_w%20\[cdc.gov\]](https://www.cdc.gov/mmwr/volumes/70/wr/mm7023e1.htm?s_cid=mm7023e1_w%20[cdc.gov])

3 <https://yourlocalepidemiologist.substack.com/p/pediatric-vaccines-top-8-parental>

4 <https://www.acog.org/news/news-releases/2021/07/acog-smfm-recommend-covid-19-vaccination-for-pregnant-individuals>

5 <https://www.cdc.gov/coronavirus/2019-ncov/vaccines/recommendations/pregnancy.html>



5. Véksin gwa BOOT asór gore.

Dhakhthori teés e wazé gojjéde KOVÍDH-19 véksin e boc 5-15 ola fuwain ólore váires ottu basáite 90-100% asór gore⁶. Dhakhthori teés ot cámil oiyéde fuwain óle KOVÍDH-19 loi kothín biaram or nó fore. Véksin e váires or zat ólor hélaf has gore, oinno maincór háñse fóilattu rúke,⁷ ar haásgori KOVÍDH-19 loi lamba-thaim ocuidat aséde indhílla maincólá fáida oit fare⁸. Véksin marar fore becí hom teés pozethív oiyéde maincólá véksin é biaram ore hálka ar baiththa gore⁹.



6. Zodi oñnor fuwáttu KOVÍDH-19 oi tákile o, íte yáto íbattu ehonó véksin maroon sa.

Zodi oñnor fuwattu age váires or harone becí biaram no oile o, íte yáto íbattu véksin maroon sa. Tahakík¹⁰ e wazé gojjéde véksin e kuduroti biaram rukíbar cókti (biaram uwar forer biaram rukíbar cókti) ottu aró beec thikede biaram rukíbar cókti diyore váires or zat ólor hélaf héfazot rake. Véksin e oñnor fuware abar váires loi biaram uwattu héfazot raibou.



7. KOVÍDH-19 mRNA véksin óle oñnor DNA re no fal daibou.

Eçé ase **mRNA véksin óle gori NO FARÉDE** indhílla cíz ókkol:¹¹

- mRNA e oñnor DNA re bodolai yáto faldai no fare
- mRNA e oñnor seél ókkol híssat foijjonto góli no fare, zeçé DNA ase (nyuklias bouli ho)
- mRNA e nize baze tobdil oiyore DNA boni no fare

mRNA oilde norom ciz ar becí toratori oñnor gaar bútoe báñgiza. Aséde cíz ókkol oñnor jisím ot táki no zagoi ar éçe honó váires or foran ola, komjur, yáto no faráde híssa nai zíin oñnor jisím ot tákiyore fore jibon not ocuida gorit fare¹².

6 <https://www.cdc.gov/coronavirus/2019-ncov/vaccines/recommendations/children-teens.html>

7 <https://www.cdc.gov/coronavirus/2019-ncov/science/science-briefs/fully-vaccinated-people.html>

8 <https://www.yalemedicine.org/news/vaccines-long-covid>

9 <https://www.cdc.gov/media/releases/2021/p0607-mrna-reduce-risks.html>

10 <https://yourlocalepidemiologist.substack.com/p/vaccine-for-5-11-year-olds-acip-cliff>

11 <https://www.cdc.gov/coronavirus/2019-ncov/vaccines/different-vaccines/mrna.html>

12 <https://yourlocalepidemiologist.substack.com/p/pediatric-vaccines-top-8-parental>